

0846

U B139 DEB
MAHATHIR - CACAT

KUALA LUMPUR, 10 MEI (BERNAMA) -- DATUK SERI DR MAHATHIR MOHAMAD BERKATA RASA BELAS KASIHAN TERHADAP ORANG CACAT TIDAK HARUS KETERLALUAN SEHINGGA MENJADIKAN MEREKA ITU TERLALU BERGANTUNG KEPADA ORANG LAIN.

RASA BELAS KASIHAN ITU HARUS DIBATASKAN UNTUK MENGIKISKAN SIKAP NEGATIF ITU, KATANYA SEMASA BERUCAP KEPADA PENGHUNI PUSAT PEMULIHAN ORANG CACAT CHERAS PADA MAJLIS BERBUKA PUASA DI SINI MALAM INI.

PERDANA MENTERI BERKATA GOLONGAN ITU PATUT DIBERI LATIHAN KEMAHIRAN YANG SEWAJARNYA SUPAYA DAPAT BERDIKARI DAN MAMPU MENENTUKAN HIDUP SENDIRI SEPERTI ORANG LAIN.

+LATIHAN YANG SECUKUPNYA AKAN MEMBERI PERSEDIAAN KEPADA MEREKA UNTUK MENGHADAPI CABARAN DUNIA DI SAMPING MENJADI GOLONGAN MANUSIA YANG BERGUNA TIDAK HANYA KEPADA MASYARAKAT TETAPI JUGA KEPADA DIRI MEREKA SENDIRI,+ KATANYA.

BELIAU BERKATA, SEHUBUNGAN INI, KERAJAAN MENGADAKAN PUSAT-PUSAT PEMULIHAN DAN LATIHAN UNTUK ORANG-ORANG CACAT BAGI MEMBEKALKAN MEREKA DENGAN KEMAHIRAN SUPAYA BOLEH HIDUP SEPERTI ORANG BIASA. --
LAGI

2235MST 10 05 88

0847

U B140 DEB
MAHATHIR - CACAT 2 KUALA LUMPUR

KATANYA, MEREKA MEMPUNYAI PERASAAN YANG SAMA SEPERTI MANUSIA LAIN DAN BERHAK SERTA MAHU MEMELIHARA DIRI SENDIRI TANPA PENGGANTUNGAN KEPADA ORANG LAIN SEPANJANG MASA.

MENURUTNYA, TUGAS MASYARAKAT YANG SIHAT IALAH MEMBERI PELUANG KEPADA MEREKA ITU.

PERDANA MENTERI, SEMENTARA ITU, MEMUJI SIKAP MASYARAKAT BUKAN ISLAM YANG SAMA-SAMA MENYERTAI MAJLIS BERBUKA PUASA DENGAN RAKAN-RAKAN ISLAM MEREKA.

BELIAU BERHARAP TREND INI AKAN BERKEKALAN UNTUK MENJALIN SEMANGAT KEMASYARAKATAN DI SAMPING MERAPATKAN HUBUNGAN ANTARA KAUM YANG AMAT DIPERLUKAN OLEH NEGARA BERBILANG KAUM DAN AGAMA INI.

MAJLIS BERBUKA PUASA ITU DISERTAI OLEH 300 ORANG, TERMASUK 200 ORANG ANAK YATIM, ORANG CACAT DAN GOLONGAN TUA YANG TINGGAL DI PUSAT KEBAJIKAN MASYARAKAT.

YANG TURUT MENGHADIRI MAJLIS ITU IALAH ISTERI PERDANA MENTERI, DATUK SERI DATIN PADUKA DR SITI HASMAH MOHD ALI, MENTERI KEBAJIKAN MASYARAKAT, ENCIK MUSTAFFA MOHAMED, DAN ISTERI, SERTA KETUA SETIAUSAHA KEMENTERIAN KEBAJIKAN MASYARAKAT, DATUK SYED ZAINAL ABIDIN JAMALULAIL. -- BERNAMA

2237MST 10 05 88